

筆記小說大觀

集

愧

宋

郊

岳

珂

撰

錄

上

進步書局校印

卷之五

五

五

五

五

宋岳珂撰

愧
郊
錄

上海進步書局印行

愧郊錄提要

宋岳珂撰凡十五卷總一百十七則多記宋代之
制度攷據至為精當中如章飾之始末公主之改
稱辨論尤為典核不特金帶之有六種金塗帶之
有九種足以補史志所未備也可與葉夢得石林
燕語齊驅並駕矣雖間有一二舛誤無傷大體迄
今史家禮家俱奉若球圖文獻足徵端推此種珂
願以愧郊名其書抑何撝謙也

愧郊錄序

昔者吾夫子求文獻於杞而不足證學官名於郊而有餘師方春秋時二國在諸侯
閒壤地生齒廣輪衆寡亡以大相過也其亦僅存焉耳矣而杞之志若曰吾蕞爾邑
要非天下之所取正周禮秉魯夏盟主晉舊章故府之藏不彼即焉而遐哉邈乎之
問乃及於我是何庸知維郊則異然謂吾之褊陋誠不足以儕諸建國而金天百世
之澤且幸至於今而未斬況夫統系之所接傳聞之所逮是區區者而不余守則暴
棄之辜其將何辭以諉夫人是故典則之在王府一忽其詒則與和鈞關石俱蕩於浮
埃惟不自安於陋顧如典墳朴畧之餘聖人之所不能悉識者亦或可歷陳而枚舉
然則謂世有先後國有聲昭而不存乎其人焉可不可也 國朝受命 世有顯德

典章文物之盛跨王軼帝二百七八十年間名公鉅卿所以討論潤色之者固已
無餘蘊矣而又禮掌於頌臺議參於儒館彌闕軼訂同異閒承之以有位之文者俾
畢得以獻疑而粹聞則出位之言固非羣有司之所當與抑猶聞之郊之來也魯固
逆陋之矣叔孫昭子之問聊以藉俎豆之口而郊子奮然曰我知之不俟申言之及
纔纔其辭累數百言而不少止郊未嘗以揜人自疑而魯多君子亦不以其強聒為

疑也若夫杞則自棄矣襲媮益誇每視己為不足進至取通國之禮而夷之一字之
貶屢加而曾不知所以為恥學者循其末流而邇其所志輕重且將誰擇哉珂晚學
其位於朝又羣有司之賤者也譬諸小國無證杞之責而有晞郊之心凡其廷紳
之所緒聞謀記之所慮受隱而不合必求其當博取精覈使皆有据依而後牘之蓋
不敢以陋自處而懼其班於學域之夷博識之士或以吾夫子之不恥於問者而就
正焉則亦庶乎其有一得之愚也凡書皆祖宗若當世事名前哲所以尊朝
廷為卷者計有五總一百十七則命之曰郊以志其愧嘉定焉逢淹茂歲圍如既望
謹序 相臺岳珂

愧郊錄目錄

卷第一

祖宗徽稱

五字定制

崇政改諡

后諡因革

隆祐壽康宮

申福殿

永崇陵

追改陵名

郊廟之誅

號諡之異

宗室聯名

卷第二

近屬名制

宗廟舊諱

舊諱訓名

御名不聯字

淳熙南衙

孝明后制

宗族之別

聖旨教令之別

卷第三

南北郊

思陵近誤

諸陵複名

館學輕重

階官避家諱

贈官回避

卷第四

先廟後郊

魚袋

服章入銜

執政階官封爵

尚書之名

卷第五

永固更號

熙寧崇寧年號

泰安宮

五齋三酒

齋酒廢革

牲牢均胙

副本緣起

百官轉對

任子分授

卷第六

寺監簿職守

牙魚不可服用

真徽沔三州

國名寓意

辛簡穆諡

修書恩數

閩中謠傳兆域

開元寺

紹興嘉泰二詞

北使借官

官年實年

仙釋異教之禁

卷第七

官品名意之說

散階勳官寄祿功臣檢校試銜

卷第八

年號閣名

陞建府鎮

昇建府

鎮號封國

詞科宗室二制

中司論事

給舍論駁

帶節降麻

納節舊典

彭輅告詞

卷第九

禮殿坐像

作邑之制

歲降度牒

宣總公移

書記支使

樞密稱呼

國忌日斷刑

官品不分別

金年號

場屋編類之書

卷第十

人品明證

改易職事官名稱

李文簡奏藁

同二品

旌節

慈德宮

寺觀敕差住持

卷第十一

制舉科目

追册后

后陵名樂舞

上后諡官

后陵名樂舞

告謚祖廟

卷第十二

文武服帶之制

非宰執賜笏頭帶

開禧復泗州赦

宮禁進見

刊進書載表卷首

金銀牌

古今祠厲

卷第十三

指南記里鼓車

京師木工

國忌設齋

皇祐差牒

紹興儲議

遂國記誤

武定軍

金版

薦饗太廟

冷端甲

卷第十四

九閣

天章閣侍講班次

天章閣

天章閣官名

敷文閣

直省官

藩邸旌節

卷第十五

外戚贈王爵

贈官不改國

鎖小殿子

國初宮禁節料錢

赦宥之數

祖宗朝田米直

潛藩節鎮

官稱不避曹司

愧郊錄目錄終

愧郊錄卷第一

宋 相臺岳珂著

祖宗徽稱

國初親廟諡皆二字。藝祖上賓李文正昉上初諡以六字而後列聖皆遵用之。大中祥符初符既泐臻登封降禪彌文具舉於是始用開元增諡之制。是年十一月甲申躬謁太廟二室各增八字為十四字。五年十月戊午聖祖降延恩殿告以長發之祥閏月乙亥復加二字。親廟亦衍而四焉。真宗既諡仁皇以澶淵之功不著詔益以武定為八字始用。天聖二年初郊奉冊因郊增諡蓋昉于此。慶歷七年十一月又郊遂再增八字於是十六字之制定為不刊弗復可增益矣。然仁宗英宗之諡增於元豐六年屢郊之後神宗之諡增於紹聖二年大饗之餘哲宗之諡增於崇寧三年再郊之際類皆因時制宜而初郊舉典禮猶未為永制也。徽祖以紹興五年有陟方之哀七年諱問始至龍輶未還繇叢廟祔至十二年既安禹穴之棲其冬詔加諡明年正月戊戌奉冊己亥上親饗太廟蓋清祐甫寧因山適畢遂躬款謁追用祥符典故固有不必俟郊報者

從變禮也。孝宗以後始定用升祔後遇郊即前。詔議徽號。詔書若曰。某廟宜加上十字為十六字。如祖宗故事。將郊攝太傅先以冊告本室而後行躬裸率以為常。至于今不廢。乃若僖祖以熙寧王安石之議正東嚮。大觀之元遂有立道肇基積德起功懿文憲武睿和至孝之號。媿之親廟增者十二焉。蓋一時之制也。

五字定制

漢制宗廟必冠以孝。唐特表一字而出之。諸帝類曰某宗某諡孝皇帝。間有不盡然者。不多見也。國朝初定。藝祖諡止曰英武聖文神德。太宗諡止曰神功聖德文武皆未以孝為號。祥符始增之。自後列聖稱天之諱必以百行之首薦於鴻名。蓋嘗攷之徽號中所同稱者又有四字。文武功德與孝而五。自初諡中即備其三。曰文曰武曰孝。治平而降。未之或改也。惟徽欽初諡曰聖文仁德顯孝。曰恭文順德仁孝。當時蓋張忠獻浚陳文正康伯當國。上議初非有他。蓋用淳化乾興故事。先撫聖德之最盛者而表之。如近歲光考諡曰憲仁聖哲慈孝。不復稱文武正其比也。及增諡則無不備者。故藝祖曰啟運立極英武睿文。

神德聖功至明大孝。太宗曰：至仁應道，神功聖德，文武睿烈，大明廣孝。真宗曰：膺符稽古，成功讓德，文明武定，章聖元孝。仁宗曰：體天法道，極功全德，神文聖武，睿哲明孝。英宗曰：體乾膺歷，隆功盛德，憲文肅武，睿神宣孝。神宗曰：體元顯道，法古立憲，帝德王功，英文烈武，欽仁聖孝。哲宗曰：憲元繼道，世德揚功，欽文睿武，齊聖昭孝。高宗曰：受命中興，全功至德，聖神武文，昭仁憲孝。孝宗曰：紹統同道，冠德昭功，哲文神武，明聖成孝。光宗曰：循道憲仁，明功茂德，溫文順武，聖哲慈孝。欽既止，仍六字，不復議增。已秩宗因循之失，猶曰：禮有未備而已。一旦舉而行之可也。惟徽宗紹興十二年之增諡，以權臣擅命，輒於徽稱有所抑揚，遂去一字，而以烈代德，以德代武。曰：體神合道，駿烈遜功，聖文仁德，憲慈顯孝，攷之藝祖真宗之諡，初亦偏於文德矣。既增則武功配焉，未聞臣子敢以是而寓意於君父也。是年十二月，戶部尚書張澄等集議。庚午，宰臣秦檜自以議上，而議文則檜之兄直學士院梓實為之。戊寅，詔檜撰冊文，則冊文又檜之作。士之學典故，每於此不致詳，故至今莫有議者。揆情訂迹，何以慰在天之靈乎？神宗初增諡曰：紹天法古，運德建功。哲宗曰：顯德定功。崇寧三年，詔定神宗今諡。政和三年，又

以建立法度之意。增神宗為二十字。而哲宗易世。揚二字。以見紹述。蓋蔡京當國。用一時歸美之論。務極尊宗。雖非故事。猶愈於櫓之無君云。

崇政改諡

宗廟改諡冊告。於禮為重。祥符五年。以聖祖諱。因增諡而易。藝祖睿文聖功二字。實不得已耳。崇寧政和間。始用繼述友恭之論。屢定徽稱。神宗凡一改再增。而溢於祖宗者四字。哲宗凡一改一增。皆非舊章。濮安懿王諱其在真宗皇帝諡號內者。不避應奏者。以黃紙覆之。如此而已。豈非嚴重宗廟於體。不得不然邪。若慶歷以來。后諡或更。蓋從夫之義。與此異也。

后諡因革

建隆元年二月壬戌。上親廟諡。僖祖曰文獻。后曰文懿。順祖曰惠元。后曰惠明。翼祖曰簡恭。后曰簡穆。宣祖曰昭武。其制皆判太常寺實儀所定。帝后率聯一字。深得古意。其後杜太后上仙。先諡明憲。繼改曰昭。蓋亦配帝以為稱。大中祥符增上。帝諡始各加睿和睿明睿德睿聖二字。於后無所

損益。列聖相循。遂為故事。太祖諡大孝。后曰孝惠孝明孝章。太宗諡聖德。后曰淑德懿德明德元德。真宗諡章聖。后曰章懷章穆章獻明肅章懿章惠。仁宗諡聖武。后曰慈聖光獻。英宗諡宣孝。后曰宣仁聖烈。神宗諡欽仁。后曰欽聖憲肅欽成欽慈。哲宗諡昭孝。后曰昭慈聖獻昭懷。徽宗諡顯孝。后曰顯恭顯肅顯仁。欽宗諡仁孝。后曰仁懷。高宗諡憲孝。后曰憲節。憲聖。元闕二頁。恭。紹興

七年。祐陵復土。始例從顯。其中蓋亦混惠明諡明達明節。又素昭憲已改之稱云。隆祐壽康宮。

元祐太后既正東朝。建炎元年八月有詔。以尊稱犯。太后祖諱。當以所居宮為稱。令學士院撰定。遂建隆祐宮。光宗內禪。紹熙五年七月。移御泰安。旋以未至嘉美。改稱壽康宮。而殿亦以此名。珂恭攷會要。元祐元年閏二月。宰臣韓縝上表。請太皇太后宮殿名。宮曰崇慶。殿曰崇慶。壽康皇太后宮殿名。宮曰隆祐。殿曰隆祐。慈徽。詔所請宜允。候過諒闇。令有司檢舉。既雖又改宮曰慈德。而前稱已播告著之。國史矣。竊謂二名皆複於典故。當易不疑。特有司失於討論。是以